



明詩正聲目錄卷五十一 六言絕句

高啓 二首 劉基 三首 倪瓚 二首

袁凱 一首 謝應芳 一首 張宜中 一首

王文靜 一首 晏鐸 二首 趙迪 三首

韓奕 一首 王恭 三首 胡儼 四首

楊士奇 二首 張楷 五首 李仲訓 三首

黃淮 一首 錢復亨 一首 萬節 二首

孫一元 一首 王三錫 一首 張時徹 一首

王世貞 九首 金鑾 一首 周蒙 一首





錢楷 一首 顧大典 四首 王叔承 四首

朱正初 二首 鄧伯羔 一首 梅蕃祚 三首

朱曰藩 二首 顧冶 四首 江震祚 二首

朱靜菴 一首

六言律詩 附

高啓 一首 楊慎 一首 王穉登 一首

顧冶 三首 江一夔 一首 施復蘇 一首

明詩正聲目錄卷五十一

明詩正聲卷五十一 六言絕句

盧純學 選輯

廣陵 江一夔 校閱

楊氏山莊 高啓

斜陽流水幾里啼鳥空林一家客去詩題柿葉

僧來供煮藤花

陶秘書廣陵送別圖

暮雨潮生瓜步春山樹繞蕪城惆悵離舟欲發

江南烟寺鍾聲



題山水小画

劉基

鄂渚輕舟未幾瀟湘倦客多愁可恨一江春水  
無情日夜東流

其二

碧草桃源路斷紫芝商嶺雲深高樹月明啼鴉  
一聲一度傷心

題畫竹

葉間重露猶滴林表寒烟未開想見沅湘江上  
月明環珮歸來

田家

倪瓚

山鳥下窺牕牖春風時過柴門避世何須鄭谷  
作書已絕巨源

題画

菴畫溪頭喚渡銅棺山下尋僧水榭汀橋曲曲  
風林雲磴層層

淮安道中

袁凱

山陽城中細雨廣陵陌上飛花估客時時吹簫  
行人處處思家



題畫

謝應芳

老樹骨立偃蹇秋山氣勢崔嵬間却一江風月  
扁舟釣罷歸來

春景

張宜中

林花紅濕宮錦幄草綠碾香輪半世千場是醉  
百年幾度逢春

題梅竹

王文靜

香冷尤宜雪後花疎甚覺春遲月下瑤釵影亂  
閒吹碧玉參差

九峯山行

晏鐸

三徑重開書屋九峯舊隱人家欲辨武陵春色  
溪流汎出桃花

其二

曲徑沿流上下蒼苔白石磷磷落日惟聞啼鳥  
空山更少行人

賦得陶江晚渡

趙迪

寒江欲暮楓落漁梁爭渡人遙杳杳暝帆何處  
青青芳草歸潮



春潮帶雨

楊柳風含曉雨桃花水漲春江暝色凝烟滿棹  
寒聲驚雁幾雙

其二

魚浪紅吹花片燕泥香拂船窓夜泊蒲荷深處  
孤蓬一點銀缸

雜興

韓奕

一巷西風落葉半窓斜日殘書年老怕逢人事  
天寒不出吾廬

偶題

王恭

小艇水雲澗口孤琴蘿月山陰郢曲向來誰和  
林泉尚有知音

其二

出岫雲非有意忘機鳥亦知歸莫話城中舊事  
與君同是荷衣

其三

白鷗門外孤艇黃葉山中一瓢惆悵青雲舊侶  
相思不到漁樵



題画

胡儼

碧嶂丹崖春色絳桃綠樹人家  
迤轉時逢樵牧  
雨晴初見桑麻

其二

綠樹平林遠近落紅流水西東  
幾處雞鳴烟外  
數聲犬吠雲中

其三

何人策蹇獨往有客抱琴共還  
一葉扁舟谿上  
百年古屋林間

三臺

一陣霜風乍起半窓月影初斜  
寶鏡燒殘香篆  
銀缸落盡燈花

題鄂渚贈別圖送人歸廬陵

楊士奇

鸚鵡江中紅樹鳳凰城裏青山  
借問來游幾日  
秋水蘭舟獨還

其二

客游黃鶴磯畔家住金魚浦前  
心似波間明月  
隨君直到螺川



田園樂

張楷

綠楊樹頭山近碧  
草門前徑斜閉戶不干俗慮  
杖藜時到隣家

其二

孤棹斜陽水村一犁春雨平原藤花靡靡落地  
桑葉陰陰閉門

其三

清明處處飛雨寒食家家禁烟滿地桑陰獨步  
半窓花影高眠

其四

遶砌一灣流水當門數個長松烟中漁艇朝出  
雨裏人家夜春

送鄭二

芳草隄邊渡水百花原上逢春在世誰非過客  
入山方是閒人

西臯

李仲訓

流水小橋楊柳短墻深巷桃花魚子晴生墨沼  
鶯聲煖隔窓紗



其二

綠樹屯雲不散紅蕖沐雨齊  
開問字鄰人時至  
抱琴佳客重來

其三

霜徑紫苔還掃雪  
林紅葉已稀  
昨夜南枝花發  
家童報道春歸

題山水

黃淮

野水風翻翠縠春  
山烟染青螺  
釣艇歸來何處  
薄暮時聞棹歌

送黃太守

錢復亨

江北江南春色山  
後山前暮晴芳草  
渡頭客散  
桃花馬上人行

題山水小景

萬節

幽樹半含晴藹遠  
山平挹朝嵐  
茆屋人家何處  
風烟彷彿江南

山寺晚鐘

薄暮泉聲碧澗殘  
陽林影孤村遙  
見山僧歸處  
疎鐘幾點黃昏



田家

孫一元

手疏偶然辭主腰鎌率爾為農今日田園自許  
平時車馬相從

襄陽道中

王三錫

隨地平分泉水趁山斜任人家晴日一天翠巘  
谷風滿路黃花

田家樂

張時徹

茅舍東方日出鄰家何處朝春黃鸝喚起春睡  
猶在芳洲夢中

風寒濟南道中兀坐肩輿不能開卷因即  
事戲作誄體六言解悶當喚白家老婢  
讀之耳

王世貞

離騷未稱佳士莊叟竟不異人乞取楞嚴一卷  
消除幾日殘春

其二

欲雪千山自暝將風萬樹知寒償債半生車馬  
誤人一世衣冠

舟行即事



落鴉千點萬點流水一灣兩灣漁燈南垞北垞  
鳥道前山後山

阻風黃石磯

長江宛如白龍怒起鱗甲千重唯是江頭山色  
居然不改芙蓉

疊字峰

千尺霞牋粲爛數行雲篆橫斜莫驚此峰疊字  
西去水亦成巴

鄖中雜言

上書時時不報往事忽忽自嗔腰間有骨為祟  
眼底無計藏身

其二

雨餘殘果自墮日落倦鵲爭喧手携南華一卷  
不妨坐待黃昏

濟南道中

脩脩栝栢風緊藹藹桑榆日斜莫怪牛羊不下  
中峰自有人家

于鱗郡齋



使君盡酒不醉郡閣先秋自寒乾坤乍容車馬  
湖海漸入衣冠

小景

金鑾

雨過更添山色水流偏帶花香啼鳥聲連遠樹  
行人影度斜陽

春郊

周蒙

風動落花片片雨過芳草萋萋幾處村臨野渡  
數聲犬吠前溪

春興

錢楷

地迴惟宜高卧時芳正值晚春官貧雅稱廉吏  
年老常多畏人

九日獨酌

顧大典

半醉半醒孤客有風有雨重陽叢菊依然彭澤  
醇醪况似建康

金陵懷舊

小听高樓長笛秋風野寺疎鐘問渡重經桃葉  
涉江欲采芙蓉

寄沈伯英



別去較添白髮憂來誰共綠尊尚憶津亭弭棹  
不堪風雨銷魂

和周選部秋夜聽雨

林外細隨落葉床頭冷逼啼螿一滴一聲孤館  
此時此夜他鄉

西湖雜興

王叔承

桂子一天香雪桃花十里紅霞寶馬春風醺醖  
畫舫秋水琵琶

其二

沽酒林逋宅畔折花蘇小墳邊蓮葉擢開明月  
竹枝歌斷蒼烟

其三

越水纔為鬢色吳山點入眉痕妝罷紅葩失艷  
歌成黃鳥消魂

其四

鶯啼旅客來去花落宮粧有無楊柳愁他南渡  
芙蓉留我西湖

雜興

朱正初

半雨半晴澤國為農為圃人家青山江上雲起  
流水村西日斜

其二

一片江雲映竹千盤潮水到門讀罷殘書在案  
沾來濁酒盈樽

魯守仲見過

鄧伯羔

雙楸日暮苔磯隔水人家掩扉有客扁舟問字  
蒲團麈尾相依

碧雲寺送泰符弟渡江

梅蕃祚

法雨慈雲大地丹楓黃葉離亭此際山中佛日  
後夜江東客星

戲贈泰符

雜坐不分賓主高眠儘度晨昏從他部吏行縣  
贏得先生閉門

題僧房

木榻常飛花雨柴門靜掩松雲定裡數聲鍾磬  
閒中一卷經文

涇上

朱曰藩



三徑履綦日絕二橋舟楫人行別院海棠猶睡  
小堂翡翠相迎

其二

淮浦春潮可渡隋堤官柳成行日日尊絲入市  
家家蜺斗堆墻

渡清溪口

顧冶

蘭漿半痕秋水芳堤一線垂楊粉蝶平臨朱閣  
角巾斜壓飛梁

虎丘春游曲

青油酒舫頻淹紅粉妝樓旋添簪峭龍盤髻頂  
衫長鳳沒鞋尖

其二

清明戲賭鞦韆上巳歡邀管絃曾認白公堤上  
却尋盧女家邊

其三

柳下渾迷翠灣林中纔露春山幽禽調客欲住  
芳月撩人未還

春暮

江震祚

床頭一水深澄凡上兩峯青黛春歸白日鶯啼  
花落蒼苔犬吠

其二

青蒲紫蕨朝餐松影竹陰午睡荒庭鳥啄藤花  
頽屋雨侵薜荔

閨秀

春思

朱靜菴

挂樹游絲綺旒撲簾飛絮輕狂杜宇喚將春去  
小桃落盡紅香

六言律詩附

瓊姬墓

高啓

夢別芙蓉殿頭斷釵零落誰收土昏青鏡忘曉  
月冷珠襦恨秋麋鹿昔來廢院牛羊今上荒丘  
香魂若怨亡國莫與西施共遊

送客

楊慎

合樽且醉花間分襟易慘離顏朝下春風紫陌  
天涯落日青山美人明月相望游子浮雲獨還  
愁見河橋柳色勞歌一曲陽關



出南都寄馬姬

王穉登

到日櫻桃登市歸時芍藥辭欄松岡露下朝濕  
麥隴風來夏寒老去為歡漸少情深欲別偏難  
馬上遠山凝翠聊將眉黛同看

雨後走鄧尉領望梅花便分七寶泉有懷

倪元鎮

顧冶

欲晴欲雨山色半明半滅湖紋苔痕點點濕翠  
花氣濛濛互雲西子鏡空玉袖湘君波皺羅裙  
貯得清泉七寶流殘白石遺芬

宿屯溪夜半見月聞歌寄懷王二陸大及

秦八

上岩下岩嵐氣十日九日兩聲蘿壁亭隨月出  
蓬窻枕與溪平群飄天際野鶴夢帶籬前晚英  
可耐新安佳麗秋壚水調銀箏

支硎山石上小憇却憶道林故事

鳥呼山店堪聽酒向寒泉易醒遠韻蕭蕭馬跡  
高風冉冉鶴翎松留膏雨微綠城起炊烟半青  
何事深公見笑吾將買隱支硎



病起園居

江一夔

不雨不晴節候或高或下榆槐老病逡巡色起  
幽懷寂寞誰開花裏數聲野鳥階前是處莓苔  
落日暫拋書卷薰風且試霞杯

午日訪源上人

施復蘇

欲覓城西蓮社先登江上蘭舟鮫國午開蒲酒  
僧房夜試茗甌梅雨翠增林木薰風紅入葵榴  
醉讀靈均騷怨翻令湖海生愁

明詩正聲卷五十一

明詩正聲目錄

卷五十二 七言絕句一

高啓

十首

楊基

二首

張羽

三首

劉基

七首

倪瓚

二首

汪廣洋

三首

林鴻

一首

袁凱

三首

晏鐸

一首

錢蒙

一首

王蒙

一首

趙迪

六首

郭奎

二首

劉仔肩

一首

楊維禎

一首

顧瑛

一首

倪峻

三首

高棟

三首

董紀

一首

王倫

一首

郭登

三首



王 爾 六首 王 恭 八首 王 紱 一首

浦 源 一首 胡 儼 一首 湯胤勣 四首

張 楷 二首 李 進 一首 周 翼 一首

趙 玗 一首 任 立 一首 鍾 政 一首

熊 直 一首 史 鑑 一首 桑 悅 一首

錡 績 一首 薛 瑄 三首 王 英 二首

沈 愚 二首 王敬助 一首 劉師邵 一首

鄭 達 一首 王 越 二首 張 泰 一首

李東陽 二首 丘 濬 一首 楊 榮 一首

王鴻儒 二首 祝允明 一首 陳獻章 四首

卷五十三 七言絕句二

莊 昶 一首 石 瑤 一首 楊守陳 一首

儲 燿 二首 周 在 一首 錢 綱 一首

張 注 一首 聶大年 一首 王雲鳳 一首

李夢陽 十四首 何景明 八首 杭 濟 一首

顧 璘 一首 羅 柔 三首 徐禎卿 八首

邊 貢 十二首 朱應登 三首 孫一元 三首

周 埴 二首 康 海 一首 王廷相 十首

林俊 一首 王尚綱 二首 孟洋 三首

王韋 二首 鄭善夫 七首 陸深 三首

方謙 一首 戴銑 一首 金高寶 一首

向錦 一首 錢琦 二首 顧彥夫 一首

韓邦靖 七首 戴冠 六首 方豪 二首

葉相 二首

卷五十四 七言絕句三

常倫 一首 楊慎 十一首 張治 二首

薛蕙 七首 蔣山卿 三首 王謳 二首

陳沂 四首 許相卿 三首 敖英 四首

朱豹 三首 謝承舉 二首 陸容 一首

陳蒙 二首 王言 一首 郭本 一首

許成名 二首 劉天民 二首 孫宜 一首

周憲王 一首 肅靖王 三首 拱樋 七首

劉隅 一首 趙時春 四首 潘恩 一首

蔡駿 一首 張時徹 五首 顧夢圭 一首

王珂 一首 蘇祐 三首 高岱 一首

楊爵 一首 顧聞 一首 張邦奇 一首



樊鵬 二首 陸粲 一首 顧存仁 一首

王寵 三首 趙綱 一首 吳子孝 三首

唐順之 二首 羅洪先 三首 沈愷 四首

陳東 二首 唐詩 一首 陳堯 一首

盧楓 三首

卷五十五 七言絕句四

陳完 五首 姚庶敬 一首 張謙 一首

陳鳳 一首 王維禎 一首 薛應旂 二首

陳羽 一首 朱衡 一首 全元立 一首

駱文盛 一首 靳學顏 三首 趙貞吉 二首

程軌 三首 尹臺 一首 謝少南 二首

王問 一首 馮惟敏 一首 馮惟訥 六首

朱曰藩 三首 萬虞愷 一首 吳維嶽 一首

萬表 一首 皇甫濬 一首 皇甫汸 一首

汪坦 二首 林爠 五首 甘茹 二首

呂時 六首 劉鳳 二首 李攀龍 二十一首

王世貞 十五首 徐中行 二十一首

卷五十六 七言絕句五

吳國倫

首十二

魏

裳

一首

梁有譽

二首

宗臣

七首

謝

榛

首十二

陳

栢

三首

張才

二首

沈明臣

八首

呼相儒

一首

劉效祖

四首

孫永思

一首

李奎

三首

周詩

二首

魏學禮

一首

許邦才

九首

胡安

一首

彭

年

一首

陳

鶴

五首

李先芳

九首

楊

金

一首

江

汜

一首

張佳胤

八首

羅廷唯

一首

俞允文

一首

王世懋

首十二

陳文燭

二首

顧

瑄

一首

卷五十七

七言絕句六

蹇達

二首

朱孟震

二首

梁辰魚

一首

歐大任

十首

郭

第

四首

盧純忠

二首

陳宗虞

一首

江

珍

一首

俞

憲

二首

逯希韓

一首

蘇

潢

一首

李同芳

一首

襲勗

一首

吳

擴

三首

陳

純

一首

沈仕

二首

林雲程

一首

張九一

一首

黃德水

三首

姚

澗

二首

姚汝循

二首

江一鵬

三首

顧聖之

一首

康從理

一首



張以文 一首 汪一中 一首 金鑾 二首

包大中 一首 王嘉言 四首 曹道 一首

桑紹良 一首 汪時元 二首 金鎰 六首

張簡 一首 潘子震 一首 徐渭 一首

錢楷 四首 葛幼玄 五首 盧叔麟 一首

沈霑 一首 張邦仁 二首 穆文熙 三首

李元昭 一首 鄭洛 二首 魏允貞 一首

宋登春 一首 張文介 一首 李言恭 四首

顧大典 三首 文彭 一首

卷五十八 七言絕句七

沈懋學 四首 余寅 三首 丁應泰 二首

徐桂 三首 余翔 三首 曾仕鑑 二首

王叔承 十四首 陸弼 二首 章嘉禎 一首

王穉登 八首 屠隆 七首 胡坦 一首

胡旦 二首 梅鼎祚 八首 張邦伊 一首

張邦侗 二首 車大任 五首 吳敏道 三首

王延祚 一首 陸應陽 六首 成淳 二首

朱正初 四首 濮陽傳 一首 陳永年 一首

范如珪 一首 汪以湘 一首 唐汝龍 一首

葉之芳 五首 鄧伯羔 三首 吳士良 一首

邵正巳 一首 楊承鯤 六首 金鑑 一首

卷五十九 七言絕句八

茅溱 四首 盧澣 一首 江一夔 四首

文鎮 二首 尹耕 三首 盧栴 三首

宋賢 三首 胡應麟 三首 馬熒 二首

羅治 一首 蔡學用 一首 吳錕 二首

李德學 二首 張僑 一首 卓宗茂 一首

柳應芳 二首 顧冶 六首 何良臣 一首

黃景莪 二首 曹昌先 十一首 吳運嘉 二首

黃輝 三首 李德繼 一首 金朗 二首

穆光胤 一首 孫朗 三首 蕭譽 二首

謝紹訥 一首 倪光胤 三首 韓尼生 一首

施復蘇 二首 江震祚 三首 丘陵 二首

卷六十 七言絕句九

孟湫卿 四首 陸寡婦 一首 朱靜菴 九首

潘氏 二首 王素娥 三首 婁妃 一首



李夫人 二首 虞氏 二首 潘夫人 二首

孫夫人 一首 周夫人 十一首 姜舜玉 一首

王文卿 一首 林奴兒 一首 淮安妓 一首

羽士

周思得 二首 張無為 一首 盧大雅 一首

趙龍山 一首

釋來復 二首 宗泐 二首 懷海 四首

魯山 三首 天祥 一首 夢觀 三首

守仁 一首 方澤 二首 嬾雲 一首

志西 一首 果斌 二首

李英 一首 谷淮 二首

明詩正聲卷五十二 七言絕句一

廣陵

盧純學

編輯

江一夔

校閱

少年行

高啓

下直平明出禁門  
提携博局伴王孫  
寶刀不敢輕輸却  
明日沙場欲報恩

洞房曲

洞房香吐合歡花  
月轉勾欄啼乳鴉  
今宵有酒留君醉  
不信倡家勝妾家



吳宮詞

芙蓉水殿屨廊東  
白苧秋來不耐風  
怪得君王長夜醉  
月明歌舞在舟中

楚宮詞

雨去雲來十二峯  
渚宮樓閣暮重重  
細腰無限空相妬  
不覺瑤姬夢裡逢

魏宮詞

翡翠明珠入掌新  
承恩長占鄴宮春  
至尊莫信陳王賦  
那得人間有洛神

吳王井

曾聞鑑影照宮娃  
玉手牽絲帶露華  
今日空山僧自汲  
一餅寒供佛前花

宮女圖

女奴扶醉踏蒼苔  
明月西園侍宴迴  
小犬隔花空吠影  
夜深宮禁有誰來

山中別寧公歸西塢

一上香臺看落暉  
山村孤樹晚依依  
老僧不出青山寺  
只有鐘聲送客歸



白傅湓浦圖

相逢淪落摠天涯  
舟泊湓江近荻花  
逐客青衫自多淚  
傷心不用怨琵琶

送呂卿

遠汀斜日思悠悠  
花拂離觴柳拂舟  
江北江南芳草遍  
送君併得送春愁

十二紅圖

楊基

何處飛來十二紅  
萬年枝上立東風  
楚王宮殿俱零落  
說盡春愁細雨中

紅椒仕女圖

兩樹紅椒隔禁扉  
晚涼携伴試羅衣  
金鈴小犬迎人吠  
應怪秋來出院稀

取勝亭感舊

張羽

綠雨微消紫陌塵  
湖光冷落似無春  
朱門記得曾遊處  
楊柳青青不見人

燕山春暮

金水橋邊蜀鳥啼  
玉泉山下柳花飛  
江南江北三千里  
愁絕春歸客未歸



折蓮子呈楊孟載

落盡紅衣見綠房折來猶帶水雲香柔絲零落  
芳心苦未及秋風已斷腸

次韻和王文明

劉基

芙蓉湖上夕陽低楊柳枝頭一鳥啼獨倚欄杆  
看山色白雲飛過若耶溪

題小画

夕陽山下水潏潏一葉輕舟釣白蘋謾道江湖  
堪浪跡荻花風雨更愁人

仙人詞

玉府仙人冰雪姿生來即遣侍瑤池五雲隔斷  
塵凡路說着人間總不知

漢宮曲

小雨如烟晝掩扉捲簾忽見燕雙飛不知春色  
能多少總向昭陽柳上歸

雙帶子

嫁時雙帶繡麒麟翠葉金花色新寧教玉匣  
蒙蛛網不肯將來別贈人



竹枝詞

陽臺雲雨謾荒唐  
巫峽啼猿枉斷腸  
莫向蒼梧山下去  
九疑愁色滿瀟湘

春江曲

江上風帆日日歸  
獨自狂夫音信稀  
無因化作鷓鴣鳥  
隨着郎船到處飛

六月五日偶成

倪瓚

坐看青苔欲上衣  
一池春水靄餘暉  
荒村盡日無車馬  
時有閒雲伴鶴歸

寄王彥舉

綠楊陰下玉驄嘶  
絲絡銀瓶帶酒携  
夢入南園聽夜雨  
不知身在蔣陵西

蘇溪亭

汪廣洋

蘇溪亭上草漫漫  
誰倚東風十二闌  
燕子不歸春社晚  
一汀烟雨杏花寒

過浦江縣

官樹冥冥啼早鴉  
雨晴山縣蹋春沙  
誰家故宅無烟火  
一葉松扉鎖落花



淳安棹歌

淳安縣前江水平  
越女唱歌蘭葉青  
山禽只管喚春雨  
不道愁人不顧聽

題朱舍人為史太守寫梧竹  
林鴻

舍人退食寫閒情  
公子開槭玉雪清  
曾向鳳池同夜直  
掖垣梧竹總秋聲

淮西夜坐

袁凱

蕭蕭風雨滿關河  
酒罷西樓聽鴈過  
莫怪行人頭白盡  
異鄉秋色不勝多

客中夜坐

夜雨蕭蕭江水長  
故園歸路更茫茫  
一聲新鴈三更雨  
何處愁人不斷腸

李陵泣別圖

上林木落鴈南飛  
萬里蕭條使節歸  
猶有交情兩行淚  
西風吹上漢臣衣

折楊柳

晏鐸

河橋楊柳半無枝  
多為行人贈別離  
羌虜不知蕭索盡  
月明猶向笛中吹



絕句

錢蒙

湖海風塵入鬢毛歸來燈火對兒曹道人不是  
封侯骨錯把黃金鑄寶刀

宮詞

王蒙

南風吹斷采蓮歌夜雨新添太液波水殿雲廊  
三十六不知何處月明多

題山水

趙迪

幾家茅屋水邊村花落春潮汐到門溪上數峰  
青似染居人說是武陵源

其二

江上千峰紫翠浮松門苔迳映清流茅堂雨絕  
湘簾暝卧聽空山一夜秋

其三

九嶷如黛暮雲間帝子何年去不還唯有清猿  
聽不盡蕭蕭寒雨萬重山

其四

流水人家洞裏幽清猿古木思悠悠別家幾度  
藤蘿月閒却瑤琴石上秋



晚眺

白雲深處野人家倚杖閒吟日未斜江上數峰  
看欲盡晚鐘殘月入蘆花

送陳文叔分教融州

別來三載一相逢百越雲山意萬重回鴈峯寒  
霜月冷夢魂猶憶帝城鐘

開歲卧病

郭奎

卧病文園渴未消自從人日到花朝不知楊柳  
將春色綠過淮南第幾橋

寄劉彥基

九月征人未授衣年年書到故園稀無情恨殺  
湘東鴈不帶平安一字飛

望闕口號

劉仔肩

閭闔排雲玉殿開千官鷓鴣早朝回不知誰獻  
王褒頌得奉君王萬壽杯

盼盼

楊維貞

塚上白楊今十年樓頭燕子尚留連銅臺多少  
丁寧恨誰向西陵望墓田



自贊

顧瑛

儒衣僧帽道人鞋到處青山骨可埋  
還憶少年豪俠興五陵裘馬洛陽街

題雨竹圖

倪峻

鷓鴣啼斷雨氤氳獨倚蓬窗酒半酣  
威鳳不來秋已老暮雲凝碧暗湘南

題畫

溪雲靄靄樹團團溪上幽亭六月寒  
日暮看山人已去水禽飛上石闌干

題畫寄潘時觀

幽鳥啼殘樹底烟落花流出竹間泉  
隔溪笑指青山好記得同游已十年

溪上別馮一與

高棟

出門紅葉滿清溪君向東湖我向西  
今夜青山明月在相思兩地聽猿啼

林真士畫

楚雲天外數峰青春水桃花滿洞庭  
落日樓臺明鏡裏欲停瑤瑟候湘靈



江上扁舟圖為林維德賦

扁舟一葉楚天寒  
遠樹空江野照殘  
憶得湘潭歸棹晚  
千峰倒影鏡中看

江行

董紀

江水悠悠江路長  
孤鴻啼月在微霜  
十年蹤跡渾無定  
莫更逢人問故鄉

亂後還故里

王倫

歸來無處可為家  
南望桑田盡海沙  
惟有碧桃三兩樹  
幾年無主自開花

閨夢

郭登

燒殘紅燭綉房深  
簾外春寒入翠衾  
夢裡不知離別後  
笑援雙帶綰同心

其二

涼沁紗幮菡萏風  
簾紋斜印玉肌紅  
覺來淚濕鴛鴦枕  
一段雲情是夢中

甘州

甘州城西河水流  
甘州城北胡雲愁  
玉關人老貂裘敝  
苦憶平生馬少游



閨思

王儼

冷落殘箏十指疎  
良人遠戍近何如  
樓頭數盡南飛鴈  
不見遼陽一紙書

黃陵廟

芳洲烟草碧萋萋  
古廟雲深落日低  
剝盡殘碑無可問  
春山惟有鷓鴣啼

病中懷故山

裊裊檉陰石徑斜  
野人迎住近煙霞  
別來門外滄浪月  
開遍青松幾度花

題画白翎雀

塞花原草度交河  
往日曾隨鳳輦過  
一自翠華消息斷  
空將遺恨寄雲和

常山道中即事

前山月曉樹蒼蒼  
野蕨初抽綠笋長  
一路春風如有約  
馬頭吹送落花香

懷仙寄上何尊師

雲母屏風月影孤  
碧雲琪樹兩三株  
道童慣識釣天舞  
偷向堦前教鶴雛



海城秋晚

王恭

西風一鴈海城頭  
羌笛聲中水亂流  
楓葉蕭蕭山月下  
戍樓殘火幾家秋

客舍聞搗衣

山館猿啼碎客心  
更聞何處響孤砧  
數聲驚覺還家夢  
一夜挑燈憶故林

僧房秋夜

古木閒岩坐入禪  
碧蘿飛處一燈懸  
蕭蕭天籟千峰月  
夢落秋潭午夜泉

聞子規

枝上聲聲怨落暉  
居人聞此也沾衣  
啼時莫近湘山路  
更有長沙客未歸

春鴈

春風一夜別衡陽  
楚水燕山萬里長  
莫怪春來便歸去  
江南雖好是他鄉

山窓夜雨

深澗垂蘿暗竹房  
半枝殘燭雨聲涼  
蕭條樹葉千峯裡  
不獨啼猿啼

古寺

野寺殘僧門半開  
春風禪室見莓苔  
數株松柏無枝葉  
盡是唐人手自栽

步虛詞

綠章封事奏瑤京  
侍女如花弄玉笙  
夜半朝回人上鶴  
九天環珮月中明

題畫

王紱

汀洲潮落雨初晴  
獨坐蘭舟酒半醒  
欲采芙蓉過江去  
迢迢秋水數峰青

題張生舊館

浦源

廣陵人去隔天涯  
舊館淒涼閉落花  
立馬斜陽空洒淚  
一聲橫笛起鄰家

詔直內閣即事

胡儼

清曉朝回秘閣重  
坐看宮樹露華濃  
碧窓朱戶圖書滿  
人在蓬萊第一峯

詠白鵲

湯胤勣

曉隨金印出邊州  
晚送歌聲入御樓  
剪取白羅飛綉幙  
旗竿十丈挂胡頭



青樓曲

秋壓羅衾陡作寒起來無語凭闌干鴈聲忽被  
風吹斷月挂疎桐不忍看

其二

解下仙郎玉繫腰花前一曲紫鸞簫金杯滿注  
如飴酒莫遣蘭房似昨宵

公子行

獵火煌煌照四山青衣小隊射生還貂裘幾點  
輕盈雪月照城門未上鏤

竹枝詞

張楷

浮雲日日蜀山頭石瀨年年蜀水流家住瞿塘  
三峽下慣經風浪不知愁

古詞

羅帕凝香濕未乾朱櫻窗外雨生寒燈花知是  
虛傳喜落盡青煤誓不看

西湖夜宿

李進

蹇驢衝雪岸烏紗夜醉西湖賣酒家十六吳姬  
吹鳳管卷簾燒燭看梅花



鴈來紅

周翼

翔鴈南來塞草秋未霜紅葉已先抽綠珠宴罷  
歸金屋七尺珊瑚夜不收

城南書事

趙昶

三年為客寄龍沙望斷南雲不見家唯有受降  
城外月照人清淚落胡笳

贈同舟從軍林生

任立

青天無盡碧波長百丈雲帆挂夕陽海路音書  
何處寄北風吹鴈不成行

到揚州

鍾政

樹繞人家水抱城何郎去後減詩情不知東閣  
梅何處二十四橋空月明

薊門秋夕

熊直

清漏遲遲月轉廊博山銷盡水沉香重城不鎖  
還家夢兩夜冬明到故鄉

塞下曲

史鑑

城下黃河城外山羌兒騎馬唱歌還磧西亦有  
閒花草莫信春光不度關



題畫

桑悅

浮雲出沒吞遙岑，小亭日日間秋陰。  
美人如玉不可見，松子自落空山深。

畫馬

錙績

雙駒汗血已斑斑，蹀躞春風意態閒。  
聞道千金求駿骨，不應龍種在人間。

竹枝歌

薛瑄

錦官城裏多水樓，蜀姬酒濃消客愁。  
醉來忘却家山道，勸君莫作錦城游。

留別諸友

綠樹秋風起夕涼，離筵歌舞斷人腸。  
欲知別後相思切，明月關山滿路霜。

穆陵關夜雨

萬山絕頂穆陵關，一上山樓五月寒。  
烟樹滿川浮暝色，晚風吹雨濕闌干。

重登岳陽樓望君山

王英

南湖烟水接天流，天際孤峰掌上浮。  
欲吊湘君何處是，不堪重倚岳陽樓。



題胡人獵歸圖

獵罷陰山薄暮歸繞鞍雉兔馬行遲風高不敢  
鳴笳鼓只恐防秋漢將知

舊遊即事

沈愚

冶城東畔舊亭臺寂寂朱扉映竹開一樹碧桃  
都落盡去年蝴蝶却飛來

寄淮南

江南江北路迢迢風滿江帆鴈影飄最好鳳凰  
臺上月共誰携酒聽吹簫

畫蘭

王敬助

綠滿汀洲杜若香沅湘春盡水茫茫靈均去後  
無消息留得參差佩帶長

劉師邵

乍因輕浪疊晴沙天趁迴風擁釣艖莫怪狂踪  
易飄泊前身不合是楊花

聞燕

鄭達

東風庭院柳飛花補得新巢日已斜莫把春愁  
向人說長安有客正思家



西渡

王越

桃花渡近莫愁村不似劉家妬婦津  
薄暮雨寒猶鼓棹隔江應有未歸人

邊城春雪

二月中旬雪尚飛邊城草木得春遲  
不知上苑新桃李開到東風第幾枝

漢宮詞

張泰

被寒燒盡鬱金香侍女無言立近牀  
一樣玉壺傳漏點南宮夜短北宮長

題趙仲穆挾彈圖

李東陽

東風挾彈小城春遊騎飛韉不動塵  
道上相逢休借問衛家兄弟霍家親

畫竹

漢臯亭上起秋風夜逐湘靈下楚宮  
曉入碧雲看不見墮釵遺珮各西東

春閨怨

丘濬

舊歲花殘今又開去年人去幾曾來  
不知明歲花時節人在天涯回未回



吳宮

楊榮

畫棟雲消夜色清  
宮前溝水作秋聲  
如何醒得吳王夢  
多少花枝壓禁城

竹枝詞

王鴻儒

窈窕巫山十二峰  
一峰飛落海天東  
至今暮雨朝雲意  
半在吳中與越中

小遊仙

方壺圓嶠月初生  
海色如銀萬頃明  
一片綵雲當面墮  
東華童子召飛瓊

戲題秉叔燕月之什

祝允明

無限香雲不斷霞  
鳳皇臺下謫仙家  
丹山碧水桃千樹  
不遇劉郎未是花

歌馬大任山

陳獻章

數家烟火隔林塘  
一樹寒花晚自香  
黃葉塚頭聊歇馬  
鷓鴣聲裡近斜陽

初晴

初晴樓上燕飛飛  
樓下人歌白苧衣  
一曲未終花落去  
滿林啼鳥送春歸



題畫

茅簷初飈酒旗風舟入薰葭月半籠醉睡不知  
家近遠醒來依舊五湖東

古聊道中有懷

翠煙浮壠麥初齊社樹青青獨鳥啼何處相思  
不相見木蘭花下水門西

明詩正聲卷五十二



